

Տպագրված է ընդամենը 6 օրինակ
ՕՐԻՆԱԿ N _____

Գրանցված է
Հայաստանի Հանրապետության
Իրավաբանական անձանց Պետական
Ռեգիստրի կենտրոնական մարմնի կողմից
Գրանցման թիվ 211.150.04865
Գրանցման օրը 22.09. 2010թ.
Վկայական N 03 Ա.082570
Թիվ _____ փոփոխությունը գրանցված է
Իրավաբանական անձանց պետական
Ռեգիստրի Արաբկիրի տարածքային բաժնի
Կողմից ____ 2010թ.

Տարածքային բաժնի պետ
Հ.Խուդգարյան ____/_____/

Հաստատված է

Հայաստանի Հանրապետության
վարկային կազմակերպությունների
միություն
Իրավաբանական անձանց միության
անդամների ընդհանուր ժողովի
որոշմամբ
արձանագրություն N 02

10 մարտի 2010թ.

գործադիր տնօրեն՝

Մ.Եսայան /_____/

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐԿԱՅԻՆ
ԿԱԶՄԱԿԵՐՊՈՒԹՅՈՒՆՆԵՐԻ ՄԻՈՒԹՅԱՆ**

Կ Ա Ն Ո Ն Ա Դ Ր Ո Ւ Թ Յ Ո Ւ Ն
և որ խմբագրությամբ

ԵՐԵՎԱՆ 2010

1. ԸՆԴՀԱՆՈՒՐ ԴՐՈՋԹՆԵՐ

- 1.1. Հայաստանի Հանրապետության վարկային կազմակերպությունների միությունը իրավաբանական անձանց միությունը (հետագայում՝ «Միություն») հանդիսանում է Հայաստանի Հանրապետությունում գործող վարկային կազմակերպությունների (առևտրային կազմակերպությունների) կամավոր միավորում:
- 1.2. Միությունը հանդիսանում է շահույթ ստանալու նպատակ չհետապնդող ոչ առևտրային իրավաբանական անձ, ունի առանձնացված գույք, կարող է իր անունից ձեռք բերել գույքային և անձնական ոչ գույքային իրավունքներ և կրել պարտավորություններ, դատարանում հանդես գալ որպես հայցվոր կամ պատասխանող: Միությունը իրավունք ունի օրենքով սահմանված կարգով բացել բանկային հաշիվներ Հայաստանի Հանրապետության բանկերում և օտարերկրյա պետությունների բանկերում: Միությունը ունի՝ ինքնուրույն հաշվեկշիռ, անվանման հայերեն, ռուսերեն, անգլերեն լեզուներով կլոր կնիք, դրոշմակնիք, իր անվանումով ձևաթղթերնայլ տեսողական նույնականացման միջոցներ:
- 1.3. Միությունը հանդիսանում է ոչ առևտրային կազմակերպություն և ձեռնարկատիրական գործունեություն իրականացնելու համար կարող է հիմնադրել տնտեսական ընկերություններ կամ լինել դրանց մասնակից:
- 1.4. Միությունը պատասխանատու չէ իր անդամների պարտավորությունների համար, իսկ անդամները սույն Կանոնադրությամբ սահմանված չափով և կարգով սուբսիդիար պատասխանատվություն են կրում Միության պարտավորությունների համար:
- 1.5. Միությունն իր գործունեության ընթացքում ղեկավարվում է ՀՀ օրենսդրությամբ, սույն Կանոնադրությամբ, իր անդամների Ընդհանուր ժողովի կեստորիքի որոշումներով:
- 1.6. Միության գտնվելու վայրն է՝ Հայաստանի Հանրապետություն, ք. Երևան, Կոմիտասի պ. 54 թիվ 150:
- 1.7. Միության անվանումն է՝
հայերեն
Հայաստանի Հանրապետության վարկային կազմակերպությունների միություն
կրճատ՝ ՀՀ ՎԿՄ
անգլերեն
լրիվ՝ _Union of Credit Organizations of the Republic of Armenia_
կրճատ՝ UCORA
ռուսերեն
լրիվ՝ Союз кредитных организации Республики Армении
կրճատ՝ СКOPA

2. ՄԻՈՒԹՅԱՆ ԱՌԱՔԵԼՈՒԹՅՈՒՆՆ ՈՒ ԽՆԴԻՐՆԵՐԸ

2.1. Միության առաքելությունն է նպաստել ՀՀ ֆինանսավարկային համակարգի զարգացմանը՝ վարկային կազմակերպությունների ներուժի առավել ամբողջական և արդյունավետ կիրառման միջոցով:

2.2. Միության հիմնական խնդիրը՝ իր անդամների ընդհանուր խնդիրներն ու շահերը ՀՀ կենտրոնական բանկում, ՀՀ կառավարությունում և պետական ու ոչ պետական այլ մարմիններում ներկայացնելն է:

2.3. Միության խնդիրներն են՝

- բացահայտել, հետազոտել ու ընդհանրացնել իր անդամների շահերի հետ առնչվող հիմնախնդիրները, խոչընդոտներն ու ռիսկերը և համապատասխան գործողությունների նախաձեռնումը՝ դրանք լուծելու ուղղությամբ,
- պաշտպանել և ներկայացնել Միության անդամների շահերը պետական և տեղական ինքնակառավարման մարմիններում, հասարակական և միջազգային կազմակերպություններում,
- պաշտպանել և ներկայացնել Միության անդամների շահերը ՀՀ կենտրոնական բանկում, այդ նպատակով կազմակերպել համատեղ քննարկումներ, հանդես գալ առաջարկություններով,
- նպաստել Միության անդամների կապերի զարգացմանը և ամրապնդմանը, համակարգել Միության անդամների գործունեությունը՝ համատեղ երկարաժամկետ ծրագրերի մշակման և իրականացման համար,
- մասնակցել Հայաստանի Հանրապետությունում ֆինանսավարկային գործունեության մասին օրենսդրական և նորմատիվային ակտերի նախագծերի մշակմանը և դրանց փորձաքննությանը,
- Միության անդամներին օժանդակել ֆինանսավարկային առաջավոր տեխնոլոգիաների ու մեթոդների ներդրմանը՝ սպասարկման բարելավման և գործունեության արդյունավետության բարձրացման նպատակով,
- մշակել և իրականացնել ծրագրեր՝ կադրերի վերապատրաստման նորակավորման բարձրացման, ինչպես նաև որակավորման ու մասնագիտական համապատասխանության ստուգման ուղղությամբ,
- կազմակերպել սեմինարներ և գիտաժողովներ,
- իրականացնել Միության անդամների ընդհանուր շահերից բխող այլ խնդիրներ, որոնք չեն հակասում ՀՀ օրենսդրությանը և սույն Կանոնադրությանը:

3. ՄԻՈՒԹՅԱՆ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ, ՊԱՏԱՍԽԱՆԱՏՎՈՒԹՅՈՒՆԸ

3.1. Միությունը ձեռք է բերում իրավաբանական անձի կարգավիճակ՝ պետական գրանցման պահից:

3.2. Միությունն ունի իրավաբանական անձի համար սահմանված բոլոր իրավունքները և կրում է համապատասխան պարտականություններ:

3.3. Միությունն ինքնուրույն է որոշում իր կազմակերպական կառուցվածքը, նպատակները, խնդիրները և գործունեության ձևերը:

3.4. Միությունն, իր կանոնադրությամբ նախատեսված նպատակները և խնդիրներն իրականացնելու համար, իրավունք ունի՝

- ունենալ գործադիր մարմիններ և կառուցվածքային ստորաբաժանումներ,
- ինքնուրույն կազմավորել իր ֆինանսական ռեսուրսները, այդ թվում՝ ստանալ դրամաշնորհներ,
- կնքել օրենսդրությամբ չարգելված պայմանագրեր և գործարքներ,
- հանդես գալ պետական և տեղական ինքնակառավարման մարմիններում, տնտեսական և հասարակական կառույցներում, միջազգային կազմակերպություններում, լինել հայցվոր կամ պատասխանող դատարանում,
- ներկայացնել և պաշտպանել իր անդամների գույքային և գույքային իրավունքները, օրինական շահերը պետական և տեղական ինքնակառավարման մարմիններում և այլ կազմակերպություններում ու ատյաններում,
- կնքել համաձայնագրեր օտարերկրյա ոչ առևտրային և ոչ կառավարական Միությունների հետ, անդամակցել միջազգային ոչ առևտրային կազմակերպությունների,
- իր կանոնադրական խնդիրների իրականացման նպատակով իր անդամներին և երրորդ անձանց մատուցել խորհրդատվական և Միության անդամների շահերից բխող այլ ծառայություններ,
- ձեռնարկատիրական գործունեություն իրականացնելու համար հիմնադրել ընկերություններ կամ լինել դրանց մասնակից,
- ՀՀ օրենսդրությամբ սահմանված կարգով հիմնադրել լրատվության միջոցներ,
- օրենսդրությամբ սահմանված կարգով ձեռք բերել, ստանալ, վարձակալել կամ այլ պայմաններով (այդ թվում՝ նաև անհատույց) օգտագործել անշարժ գույք, հիմնական միջոցներ, օրենքով չարգելված այլ գույք,
- օտարել կամ վարձակալության կամ անհատույց օգտագործման հանձնել Միությանը պատկանող ցանկացած անշարժ և շարժական գույք:

3.5. Միությունն իրավունք ունի իրականացնել իր կանոնադրությանը չհակասող և օրենքով չարգելված այլ գործունեություն:

3.6. Միությունը պարտավոր է՝

- իր անդամների համար Միության գործունեությանը մասնակցության հավասար հնարավորություններ ապահովել,
- կրել օրենսդրությամբ այլ իրավական ակտերով, ինչպես նաև սույն Կանոնադրությամբ նախատեսված այլ պարտականություններ:

3.7. Միությունն իր պարտավորությունների համար պատասխանատվություն է կրում սեփականության իրավունքով իրեն պատկանող ամբողջ գույքով:

3.8. Պետական մարմիններին պաշտոնատար անձանց կողմից Միության գործունեությանը միջամտելն արգելվում է՝ բացառությամբ օրենքով սահմանված դեպքերի:

4. ՄԻՈՒԹՅԱՆ ԱՆԴԱՄՆԵՐԸ, ԱՆԴԱՄԱԳՐՎԵԼՈՒ ԵՎ ԴՈՒՐՍ ԳԱԼՈՒ ԿԱՐԳԸ

- 4.1. Միության անդամ կարող է լինել Հայաստանի Հանրապետության տարածքում գործող յուրաքանչյուր վարկային կազմակերպություն, որը՝
- ընդունում է Միության կանոնադրությունը, նրա նպատակներն ու խնդիրները, մուծում է մուտքի վճար և անդամավճար,
 - պատրաստակամ է նպաստել Միության համբավի ու հեղինակության աճին,
 - ցանկանում է մասնակցել Միության գործունեությանը՝ կրելով օրենսդրությամբ, Միության կանոնադրությամբ և ներքին իրավական ակտերով նախատեսված պարտականությունները և ստանձնելով համապատասխան իրավունքներ:
- 4.2. Միությանը անդամակցության հարցը քննարկում է Միության հերթական կամ արտահերթ ընդհանուր ժողովը: Քննարկմանը կարող է մասնակցել նաև դիմող վարկային կազմակերպության խորհրդի նախագահը կամ գործադիր տնօրենը: Միության նախագահի ստորագրությամբ Ընդհանուր ժողովի որոշումը եռօրյա ժամկետում պաշտոնապես տրամադրվում է դիմողին:
- 4.3. Միության անդամի իրավունքները դադարում են Ընդհանուր ժողովի որոշմամբ, բացառությամբ սույն Կանոնադրությամբ սահմանված դեպքերի:
- 4.4. Միության անդամը Միության կազմից կարող է դուրս գալ իր դիմումի համաձայն՝ դուրս եկող անդամի ու Միության միջև փոխադարձ պարտավորությունները ճշտելուց և կատարելուց հետո:
- 4.5. Միության անդամը կարող է հեռացվել Միությունից սույն Կանոնադրությամբ սահմանված դեպքերում և կարգով: Միությունից հեռացված անդամի նկատմամբ կիրառվում են Միությունից դուրս գալուն վերաբերող կանոնները:
- 4.6. Միության անդամը կարող է Ընդհանուր ժողովի որոշմամբ հեռացվել Միությունից հետևյալ դեպքերում՝
- Միության անդամի կողմից խախտվել է սույն Կանոնադրության դրույթները,
 - Միության անդամը չի կատարել Միության ընդհանուր ժողովի և/կամ խորհրդի որոշումները:
- 4.7. Միության անդամի սնանկության դեպքում, դատարանի որոշումը ուժի մեջ մտնելու պահից նրա անդամակցությունը դադարում է:
- 4.8. Միության անդամի լուծարման դեպքում, լուծարման կամ լիցենզիան ուժը կորցրած ճանաչելու մասին որոշումն ուժի մեջ մտնելու պահից նրա անդամակցությունը դադարում է:

5. ՄԻՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- 5.1. Միության անդամն իրավունք ունի՝

- մեկ ձայնի իրավունքով մասնակցել Միության ընդհանուր ժողովին՝ խորհրդի նիստերի աշխատանքներին: Ընդ որում՝ Միության ընդհանուր ժողովին՝ խորհրդի նիստերին անդամների խորհրդի նախագահներն ու գործադիր տնօրենները մասնակցում են առանց լիազորագրի, իսկ վերջիններին ներկայացուցիչները՝ լիազորագրերով,
- ընտրել և ընտրվել Միության կառավարման բարձրագույն և այլ մարմիններում,
- Միության ղեկավար մարմիններին ներկայացնել դիմումներ, գանգատներ և առաջարկություններ,
- սպառնիչ տեղեկատվություն ստանալ Միության գործունեության մասին,
- դուրս գալ Միությունից,
- Միությունից ստանալ իրավական և խորհրդատվական օգնություն՝ իր օրինական շահերի պաշտպանության համար,
- մասնակցել Միության կողմից կազմակերպված բոլոր միջոցառումներին:

Միության անդամը պարտավոր է՝

- բարեխղճորեն կատարել սույն Կանոնադրությամբ սահմանված պարտավորություններն ու պահանջները և Միության կառավարման մարմինների որոշումները,
- հոգ տանել Միության համբավի ու հեղինակության բարձրացման համար,
- սույն Կանոնադրությամբ և Ընդհանուր ժողովի կողմից սահմանված կարգով, չափով ու ժամկետներում վճարել անդամավճարները,
- օժանդակել Միությանը նրա Կանոնադրական խնդիրների իրականացման գործում:

6. ՄԻՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ

6.1. Միության կառավարման մարմիններն են՝

- 1) Միության անդամների ընդհանուր ժողովը (տեքստում՝ Ընդհանուր ժողով),
- 2) Միության խորհուրդը (տեքստում՝ խորհուրդ), եթե Ընդհանուր ժողովի որոշմամբ այն ձևավորվում է,
- 3) Միության գործադիր տնօրենը:

Ընդհանուր ժողով

6.2. Միության կառավարման բարձրագույն մարմինը Միության անդամների ընդհանուր ժողովն է: Ընդհանուր ժողովի իրավասությունները սահմանվում են օրենսդրությամբ և սույն Կանոնադրությամբ:

6.3. Ընդհանուր ժողովը հրավիրվում է խորհրդի կողմից՝ առնվազն տարին երկու անգամ: Միության խորհրդի բացակայության (չձևավորման) դեպքում Ընդհանուր ժողովը կարող է հրավիրվել ավելի հաճախակի:

6.4. Միության արտահերթ ժողովը գումարվում է խորհրդի որոշմամբ՝ սեփական նախաձեռնությամբ, գործադիր տնօրենի, վերստուգիչ հանձնաժողովի, Միության ֆինանսական հաշվետվությունների աուդիտն իրականացնող անձի կամ Միության անդամների առնվազն մեկ հինգերորդի պահանջով: Արտահերթ ժողովը գումարվում է պահանջը ներկայացնելու օրվանից՝ 15 օրվա ընթացքում:

6.5. Ընդհանուր ժողովի օրակարգի նախագիծը, անցկացման տեղը, կարգն ու ժամկետները սահմանում է Խորհուրդը, իսկ դրա բացակայության դեպքում՝ Միության նախագահը և գործադիր տնօրենը համատեղ: Ընդհանուր ժողովի օրակարգի նախագիծը բաժանվում է անդամներին՝ ժողովից առնվազն 7 օր առաջ:

6.6. Ընդհանուր ժողովը իրավասու է որոշում կայացնել Միության գործունեությանը վերաբերող և սույն Կանոնադրության Էությունից բխող ցանկացած հարցի վերաբերյալ:

6.7. Ընդհանուր ժողովի բացառիկ իրավասության հարցերն են՝

- Միության կանոնադրության հաստատումը, դրանում փոփոխությունների և լրացումների կատարումը,
- Միության խորհրդի քանակական կազմի հաստատումը, դրա անդամների ընտրությունը և նրանց լիազորությունների վաղաժամկետ դադարեցումը,
- Միության նախագահի ընտրությունը և նրա լիազորությունների վաղաժամկետ դադարեցումը,
- Միության վարչակազմակերպական կառուցվածքի հաստատումը,
- Միության հաստիքացուցակի և դրույքաչափերի հաստատումը,
- Միության ակտիվների արժեքի 50 տոկոսը գերազանցող գործարքների հաստատումը,
- Միության գործադիր տնօրենի նշանակումը և նրա հետ կնքված պայմանագրի վաղաժամկետ լուծումը,
- Միության անդամների կողմից մուտքի վճարների և անդամավճարների մուծման կարգի և չափերի հաստատումը,
- Միությանը վարկային կազմակերպությունների անդամակցության և անդամության դադարեցման վերաբերյալ որոշումների ընդունումը,
- Միության վերստուգիչ հանձնաժողովի անդամների ընտրությունը և նրանց լիազորությունների վաղաժամկետ դադարեցումը,
- Միության ֆինանսական հաշվետվությունների աուդիտն իրականացնող անձի հաստատումը,
- Միության տարեկան հաշվետվությունների և հաշվապահական հաշվեկշռի հաստատումը: Դրանց հաստատումը կատարվում է միայն վերստուգիչ հանձնաժողովի եզրակացության դեպքում,
- Միության վերակազմակերպումը և լուծարումը, լուծարման հաշվեկշիռների հաստատումը, լուծարային հանձնաժողովի նշանակումը:

6.8. Ընդհանուր ժողովում Միության յուրաքանչյուր անդամ ունի մեկ ձայնի իրավունք: Ընդհանուր ժողովը իրավունակ է, եթե ժողովին մասնակցում է Միության անդամների առնվազն երկու երրորդը: Ընդհանուր ժողովի որոշումները ընդունվում են ժողովին մասնակցող և քվեարկության իրավունք ունեցող անդամների ձայների երեք քառորդով, բացառությամբ Միության լուծարմանն ու վերակազմավորմանը վերաբերող հարցերի: Միության լուծարմանն ու վերակազմավորման որոշումը ընդունվում է Միության բոլոր անդամների ձայների երեք քառորդով:

6.9. Ընդհանուր ժողովում որոշման կայացման համար բավարար ձայների բացակայության դեպքում քննարկվող հարցը օրակարգից հանվում է:

6.10. Ընդհանուր ժողովում հարցերի քննարկումը կարող է տեղի ունենալ միայն Միության գործադիր տնօրենի պարտադիր մասնակցությամբ, բացառությամբ գործադիր տնօրենի լիազորությունների վաղաժամկետ դադարեցման, ինչպես նաև նրա վարձատրության պայմանների հաստատման հարցերի: Միության գործադիր տնօրենը մասնակցում է խորհրդակցական ձայնի իրավունքով:

6.11. Ընդհանուր ժողովում նախագահում է Միության նախագահը, նրա բացակայության դեպքում՝ ընդհանուր ժողովի որոշմամբ այլ անդամ: Ժողովի ավարտից հետո եռօրյա ժամկետում կազմվում է ժողովի արձանագրություն երկու օրինակից, որոնք ստորագրում են ժողովի նախագահը և քարտուղարը:

Խորհուրդ

6.12. Ընդհանուր ժողովի որոշմամբ կարող է ձևավորվել Միության խորհուրդ: Խորհրդի բացակայության դեպքում սույն Կանոնադրությամբ սահմանված Խորհրդի լիազորություններն իրացնում է Ընդհանուր ժողովը:

6.13. Խորհուրդը իրականացնում է Միության գործունեության ընդհանուր ղեկավարումը, բացառությամբ այն հարցերի, որոնք սույն Կանոնադրությամբ վերապահված են Ընդհանուր ժողովի բացառիկ իրավասությանը:

6.14. Միության խորհուրդը ընտրվում է Ընդհանուր ժողովի կողմից՝ երեք տարի ժամկետով: Խորհուրդը ընտրվում է Միության անդամների գործադիր տնօրեններից կամ խորհրդի նախագահներից:

6.15. Խորհրդի քանակական կազմը սահմանվում է առնվազն երեք անդամից:

6.16. Խորհուրդն իր աշխատանքները իրականացնում է նիստերի ձևով, որոնք իրավիրվում են առնվազն երեք ամիսը մեկ անգամ: Նիստերը իրավիրվում են

Խորհրդի նախագահի կողմից: Միության խորհրդի անդամների առնվազն երկու երրորդի, վերստուգիչ հանձնաժողովի, գործադիր տնօրենի, Միության ֆինանսական հաշվետվությունների աուդիտն իրականացնող անձի պահանջով իրավիրվում են արտահերթ նիստեր: Արտահերթ նիստը գումարվում է պահանջը ներկայացնելու օրվանից՝ 10 օրվա ընթացքում:

6.17. Խորհրդի իրավասություններն են՝

- Միության գործունեության հիմնական ուղղությունների որոշումը,
- տարեկան և արտահերթ ժողովների գումարումը, դրանց օրակարգի նախագծի հաստատումը,
- Ընդհանուր ժողովին նրա բացառիկ իրավասությանը վերաբերող հարցերի վերաբերյալ առաջարկությունների ներկայացումը,
- Միության գործադիր տնօրենի թեկնածուի (թեկնածուների) առաջարկումը,
- Միության գործադիր տնօրենի վարձատրության չափի որոշումը,
- այլ միությունների ստեղծումը կամ այդ միություններին անդամակցությունը,
- ամենամյա ծախսերի նախահաշվի և դրա կատարողականի հաստատումը,
- Միության անդամներին վճարովի ծառայություններ մատուցելու կարգի և պայմանների հաստատումը,

- Միության գույքի օտարման և ձեռք բերման հետ կապված խոշոր գործարքների (գործարքի կատարման պահին Միության ակտիվների 25 տոկոսը գերազանցող գումարի) կնքումը,
- Միության աուդիտն իրականացնող անձի վճարման չափի սահմանումը,
- Միության զարգացման ծրագրերի և գործունեությունը կանոնակարգող ներքին ակտերի հաստատումը,
- Միության գործունեության արդյունքների մասին գործադիր տնօրենի հաշվետվության հաստատումը,
- սույն Կանոնադրության էությունից բխող և Ընդհանուր ժողովի կողմից տրված այլ իրավասությունների իրականացումը:

6.18. Խորհրդում յուրաքանչյուր անդամ ունի մեկ ձայնի իրավունք: Խորհրդի նիստը իրավասու է որոշումներ կայացնել, եթե նիստին մասնակցում է Խորհրդի անդամների առնվազն երկու երրորդը: Խորհրդի նիստերում հարցերի քննարկումը կարող է տեղի ունենալ միայն Միության գործադիր տնօրենի պարտադիր մասնակցությամբ, բացառությամբ գործադիր տնօրենի լիազորությունների վաղաժամկետ դադարեցման, ինչպես նաև նրա վարձատրության պայմանների հաստատման հարցերի: Գործադիր տնօրենը մասնակցում է Խորհրդի նիստերին խորհրդակցական ձայնի իրավունքով:

6.19. Միության խորհրդի որոշումներն ընդունվում են ձայների պարզ մեծամասնությամբ: Ձայների հավասարության դեպքում քննարկվող հարցը օրակարգից հանվում է:

6.20. Խորհրդի նիստի գումարման մասին անդամները ծանուցվում են գրավոր կամ էլեկտրոնային ձևով՝ Խորհրդի նիստի գումարման օրվանից առնվազն 7 օր առաջ: Ծանուցումը ուղարկվում է Խորհրդի նախագահի կողմից անձամբ կամ նրա գրավոր հանձնարարությամբ՝ գործադիր տնօրենի կողմից:

6.21. Խորհրդի անդամները չեն վարձատրվում:

6.22. Խորհրդի նիստը նախագահում է Միության նախագահը, նրա բացակայության դեպքում՝ Խորհրդի անդամներից տարեց անդամը: Խորհրդի նիստի ավարտից հետո եռօրյա ժամկետում կազմվում է նիստի արձանագրությունը, որը ստորագրում են նիստին մասնակցող բոլոր անդամները:

Միության նախագահ

6.23. ՀՀ ՎԿՄ նախագահը ընտրվում է Ընդհանուր ժողովի կողմից ժողովին մասնակցող և քվեարկության իրավունք ունեցող անդամների ձայների երկու երրորդով, ընդ որում Միության նախագահի պաշտոնավարումը կարող է Ընդհանուր ժողովի որոշմամբ երկարաձգվել ևս մեկ տարի: Նախագահի ընտրության ձևը (բաց կամ փակ ընտրություն) որոշվում է Ընդհանուր ժողովի կողմից քվեարկությամբ: Նույն անձը պաշտոնավարման ժամկետի ավարտից հետո (ներառյալ երկարաձգման ժամկետը) չի կարող անմիջապես վերընտրվել որպես Միության նախագահ:

Միության նախագահը չի վարձատրվում: Միության ֆինանսական միջոցներից փոխհատուցվում կամ ֆինանսավորվում են Միության

նախագահի կողմից կատարված գործունեության, ներկայացուցչականայլ ծախսերը, որոնք կապված են Միության հեղինակության բարձրացմանն Միությունը Հայաստանի Հանրապետության տարածքում և տարածքից դուրս ներկայացնելու հետ:

6.24. Միության նախագահը՝

- կազմակերպում և համակարգում է Ընդհանուր ժողովի ու Խորհրդի աշխատանքները,
- գումարում և նախագահում է Ընդհանուր ժողովն ու Խորհրդի նիստերը,
- կազմակերպում է նիստերի արձանագրությունների վարումը,
- նախագահում է Ընդհանուր ժողովը, ստորագրում է ժողովների արձանագրությունները, պատասխանատվություն է կրում արձանագրություններում առկա տեղեկությունների հավաստիության համար,
- Միության անունից գործադիր տնօրենի հետ կնքում է աշխատանքային պայմանագիր:

6.25. Խորհրդի բացակայության դեպքում Միության նախագահի պարտականությունների մեջ մտնում են նաև՝

- տարեկան և արտահերթ ժողովների գումարումը, դրանց օրակարգի նախագծի հաստատումը,
- Ընդհանուր ժողովին նրա բացառիկ իրավասությանը վերաբերող հարցերի վերաբերյալ առաջարկությունների ներկայացումը:

6.26. Միության նախագահը իրավասու է առանց լիազորագրի Միության անունից մասնակցել հրապարակային քննարկումների ու բանակցությունների: Առանց Ընդհանուր ժողովի կամ Խորհրդի համապատասխան որոշման, Միության նախագահը իրավասու չէ Միության անունից որևէ գործարք կնքել և/կամ գործողություն կատարել:

6.27. Որպես Միության նախագահի հանդես գալու դեպքում, Միության նախագահը չի կարող մատնանշել կամ որևէ այլ կերպ հիշատակել իր կողմից ղեկավարվող վարկային կազմակերպության անվանումը: Նա պարտավոր է հանդես գալ բացառապես Միության շահերից ելնելով:

Միության գործադիր տնօրեն

6.28. Միության միանձնյա գործադիր մարմինը հանդիսանում է գործադիր տնօրենը: Գործադիր տնօրենը նշանակվում է Ընդհանուր ժողովի կողմից: Նա ղեկավարում է Միության ընթացիկ աշխատանքներն ու գործունեությունը:

Միության գործադիր տնօրենը՝

- ներկայացնում է Միության անդամների շահերը օրենսդիր, գործադիր և դատական մարմիններում, այդ թվում՝ ՀՀ կենտրոնական բանկում, տեղական միջազգային կառույցներում, հանդես է գալիս ֆինանսավարկային գործունեության կարգավորումն ու զարգացումը, ինչպես նաև անդամների շահերի պաշտպանությունը ապահովող առաջարկություններով և հայտարարություններով,

- ղեկավարում է Միության ընթացիկ գործունեությունը, բացառությամբ սույն Կանոնադրությամբ սահմանված՝ Ընդհանուր ժողովի և Խորհրդի իրավասությանը պատկանող հարցերի,
- տնօրինում է Միության գույքը, այդ թվում՝ ֆինանսական միջոցները, գործարքներ է կնքում Միության անունից,
- ներկայացնում է Միությունը Հայաստանի Հանրապետությունում և արտասահմանում,
- գործում է առանց լիազորագրի,
- տալիս է լիազորագրեր,
- սահմանված կարգով կնքում է պայմանագրեր, այդ թվում՝ աշխատանքային,
- Խորհրդի հաստատմանն է ներկայացնում Միության ներքին ակտերը,
- սահմանված կարգով աշխատանքի է ընդունում և աշխատանքից ազատում Միության աշխատակիցներին, ապահովում աշխատանքային ներքին ակտերի կատարումը,
- իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը,
- աշխատակիցների նկատմամբ կիրառում է խրախուսման և կարգապահական պատասխանատվության միջոցներ,
- բանկերում բացում է հաշիվներ,
- իրականացնում է Ընդհանուր ժողովի և Խորհրդի կողմից տրված այլ լիազորություններ:

6.30. Գործադիր տնօրենը իր գործունեության ընթացքում ղեկավարվում է ՀՀ օրենքներով, սույն Կանոնադրությամբ, Ընդհանուր ժողովի և Խորհրդի որոշումներով, Միության ներքին ակտերով, ինչպես նաև իր հետ կնքված աշխատանքային պայմանագրով:

6.31. Գործադիր տնօրենը հաշվետու է Միության ընդհանուր ժողովին և խորհրդին:

7. ՄԻՈՒԹՅԱՆ ՎԵՐՍՏՈՒԳԻՉ ՀԱՆՁՆԱԺՈՂՈՎԸ

7.1. Միության վերստուգիչ հանձնաժողովի անդամները ընտրվում են Ընդհանուր ժողովի կողմից՝ 3 տարի ժամկետով:

7.2. Վերստուգիչ հանձնաժողովը կազմը պետք է 3 անձից պակաս չլինի և ընտրված լինի միայն Միության անդամների աշխատակիցներից, բացառությամբ Միության կառավարման մարմիններում ընդգրկված անձանցից: Վերստուգիչ հանձնաժողովի նախագահն ընտրվում է հանձնաժողովի կազմից՝ հանձնաժողովի անդամների ձայների պարզ մեծամասնությամբ:

7.3. Վերստուգիչ հանձնաժողովը՝

- իրականացնում է Միության ֆինանսատնտեսական գործունեության տարեկան արդյունքների ստուգումը՝ հաջորդ տարվա առաջին եռամսյակի ընթացքում,

- ստուգում է Միության ֆինանսատնտեսական գործունեությունը սեփական նախաձեռնությամբ՝ ցանկացած ժամանակ, Ընդհանուր ժողովի կամ Խորհրդի որոշմամբ, ինչպես նաև Միության անդամների առնվազն 10 տոկոսի պահանջով,
- ստուգում է Միության փաստաթղթերի համապատասխանությունը օրենքներին, Կանոնադրությանը, Ընդհանուր ժողովի կամ Խորհրդի որոշումներին, ներքին ակտերին,
- ստուգման ընթացքում իրավունք ունի պահանջել Միության ֆինանսատնտեսական գործունեությանը վերաբերող բոլոր անհրաժեշտ փաստաթղթերը,
- ստուգումների արդյունքների հիման վրա պատրաստում է հաշվետվություններ և ներկայացնում Ընդհանուր ժողովին և Խորհրդին,
- Միության գործունեության տարեկան ֆինանսական հաշվետվությունների ստուգման վերաբերյալ եզրակացությունը ներկայացնում է Ընդհանուր ժողովին:

7.4. Վերստուգիչ հանձնաժողովի նիստերը գումարվում են անհրաժեշտության դեպքում՝ հանձնաժողովի նախագահի նախաձեռնությամբ: Հանձնաժողովը իրավասու է ընդունել որոշումներ, եթե նիստին մասնակցում են բոլոր անդամները: Վերստուգիչ հանձնաժողովի որոշումները ընդունվում են ձայների պարզ մեծամասնությամբ:

7.5. Վերստուգիչ հանձնաժողովը իրավունք ունի պահանջել գումարել արտահերթ Ընդհանուր ժողով և/կամ Խորհրդի նիստ:

7.6. Վերստուգիչ հանձնաժողովի անդամները չեն վարձատրվում:

7.7. Վերստուգիչ հանձնաժողովը իր գործունեության ընթացքում ղեկավարվում է ՀՀ օրենսդրությամբ, սույն Կանոնադրությամբ, ինչպես նաև Ընդհանուր ժողովի և Խորհրդի որոշումներով:

8. ՄԻՈՒԹՅԱՆ ՍԵՓԱԿԱՆՈՒԹՅՈՒՆԸ, ԳՈՅԱՑՄԱՆ ԱՂԲՅՈՒՐՆԵՐԸ ԵՎ ՕԳՏԱԳՈՐԾՄԱՆ ԿԱՐԳԸ

8.1. Միության գույքը հանդիսանում է նրա սեփականությունը:

8.2. Միությունը որպես սեփականություն կարող է ունենալ անշարժ ու շարժական գույք, այդ թվում՝ տրանսպորտային միջոցներ, դրամական միջոցներ, արժեթղթեր և օրենքով չարգելված այլ գույք: Միության անդամը նրա սեփականության նկատմամբ բաժնի իրավունք չունի:

8.3. Միության միջոցները կարող են օգտագործվել միայն Միության կանոնադրությամբ նախատեսված նպատակների և խնդիրների իրականացման համար: Միության գույքը վերջինիս լուծարման դեպքում օգտագործվում է նրա կանոնադրական նպատակների համապատասխան, իսկ դրա անհնարինության դեպքում՝ փոխանցվում է պետական բյուջե:

8.4. Միության սեփական միջոցների գոյացման աղբյուրներն են՝

- Միության անդամների անդամակցությաննամասական անդամավճարները,

- ՀՀ օրենսդրությամբ սահմանված կարգով հրատարակված թերթերի, տեղեկագրերի և այլ նյութերի իրացումից, ինչպես նաև վճարովի ծառայությունների մատուցումից ստացված եկամուտները,
- Միության անդամների դրամական և նյութական ներդրումները,
- բանկային ավանդների դիմաց ստացված տոկոսները,
- դրամական և այլ ձևերով շնորհի ստացված միջոցները,
- բարեգործական ներդրումները, ֆիզիկական և իրավաբանական անձանց, ինչպես նաև այդպիսի կարգավիճակ չունեցող այլ կազմակերպությունների նվիրատվությունները,
- Միության կողմից հիմնադրված ընկերությունների և այլ ընկերություններում մասնակցություններից ստացված շահաբաժինները և տոկոսները,
- ՀՀ օրենսդրությամբ չարգելված այլ մուտքեր և աղբյուրներ:

8.5. Միության սեփական միջոցների գոյացման հիմնական աղբյուրը՝ Միության անդամների անդամակցության և ամսական անդամավճարներն են:

8.6. Միության անդամի անդամակցության վճարը (Մուտքավճար) իրենից ներկայացնում է միանվագ վճար, որը անդամը վճարում է Ընդհանուր ժողովի կողմից անդամակցության վերաբերյալ դրական որոշում կայացնելու դեպքում՝ երեք բանկային օրվա ընթացքում: Միության նոր անդամը պետք է հատուցի նաև իր անդամակցության գրանցման հետ կապված ծախսերը, եթե այդպիսիք առկա են:

8.7. Միությանը անդամների ամսական անդամավճարի չափը սահմանվում է Ընդհանուր ժողովի որոշմամբ՝ սույն Կանոնադրության դրույթների համապատասխան:

8.8. Միության ամսական անդամավճարի նվազագույն սահմանաչափը սահմանվում է 80.000 (ութսուն հազար) ՀՀ դրամ:

8.9. Միության անդամները անդամավճարները կարող են վճարել ամսական կամ եռամսյակային կտրվածքով:

8.10. Անդամակցության վճարը կամ ամսական անդամավճարը սույն Կանոնադրությամբ և Ընդհանուր ժողովի որոշմամբ սահմանված չափով, կարգով և ժամկետներում չվճարելու դեպքում Միության անդամը վճարում է տույժ՝ Ընդհանուր ժողովի որոշմամբ սահմանված չափերով:

8.11. Միության անդամը, ՀՀ կենտրոնական բանկի կողմից անվճարունակ ճանաչվելու դեպքում, ՀՀ կենտրոնական բանկի խորհրդի համապատասխան որոշումն ուժի մեջ մտնելու պահից մինչև բնականոն գործունեության անցնելու ամիսը, ամսական անդամավճար չի վճարում:

9. ՄԻՈՒԹՅԱՆ ՏԱՐԵԿԱՆ ԾԱԽՍԵՐԻ ՀԱՍՏԱՏՄԱՆ ԵՎ ԱՄՍԱԿԱՆ ԱՆԴԱՄԱՎՃԱՐՆԵՐԻ ԶԱՓԻ ՈՐՈՇՄԱՆ ԿԱՐԳԸ

9.1. Յուրաքանչյուր հաջորդ տարվա համար Միության գործադիր տնօրենը մշակում և խորհրդի, իսկ դրա բացակայության դեպքում՝ Ընդհանուր ժողովի քննարկմանն ու հաստատմանն է ներկայացնում Միության գործունեության գալիք տարվա համալիր ծրագիրը՝ նայն իրականացնելու համար անհրաժեշտ

ծախսերի նախահաշիվը, ինչպես նաև այլ աղբյուրներից հաստատապես ստացվելիք եկամուտները և ընթացիկ տարվա ակնկալվող խնայողությունները: Գործունեության տարեկան ծրագրին ծախսերի նախահաշվի ձևավորման կարգը սահմանում է Ընդհանուր ժողովը:

9.2. Միության գործունեության տարեկան ծրագիրը և ծախսերի նախահաշիվը պետք է ներկայացվեն աշնանային Ընդհանուր ժողովի քննարկմանն ու հաստատմանը: Ելնելով իր կողմից հաստատված Գործունեության տարեկան ծրագրից, դրա իրականացման համար անհրաժեշտ ծախսերի նախահաշվի և ծախսերի ֆինանսավորման առկա այլ աղբյուրների տարբերությունից՝ Ընդհանուր ժողովը սահմանում է նաև գալիք տարվա ամսական անդամավճարի չափը՝ անհրաժեշտ դրամական միջոցները այդ պահին անդամագրված Միության անդամների միջև հավասարաչափ բաշխելու միջոցով, եթե այլ բան նախատեսված չէ Ընդհանուր ժողովի որոշմամբ:

10. ՄԻՈՒԹՅԱՆ ՎԵՐԱԿԱԶՄԱԿԵՐՊՈՒՄՆ ՈՒ ԼՈՒԾԱՐՈՒՄԸ

10.1. Միության վերակազմակերպումն իրականացվում է Ընդհանուր ժողովի որոշմամբ՝ օրենքով սահմանված կարգով: Միությունը համարվում է վերակազմակերպված օրենքով սահմանված կարգով պետական գրանցման պահից:

10.2. Միությունը այլ միության հետ միացման ձևով վերակազմակերպվելիս, նրանցից մեկը վերակազմակերպված է համարվում միացած մյուս միության գործունեության դադարեցման մասին պետական գրանցում կատարելու պահից:

10.3. Միության լուծարումը հանգեցնում է դրա գործունեության դադարեցմանը՝ առանց իրավունքներն ու պարտականություններն իրավահաջորդության կարգով այլ անձանց անցնելու: Միությունը կարող է լուծարվել Ընդհանուր ժողովի որոշմամբ կամ օրենքով սահմանված դեպքերում:

10.4. Միության անդամների ընդհանուր ժողովը կազմավորում է լուծարային հանձնաժողով՝ օրենքով նախատեսված կարգով սահմանում լուծարման կարգն ու ժամկետները:

10.5. Միության լուծարման դեպքում պարտատերերի պահանջները բավարարվում են օրենքով սահմանված կարգով և հերթականությամբ:

10.6. Միության լուծարման դեպքում նրա գույքն ուղղվում է սույն Կանոնադրությամբ նախատեսված նպատակներին՝ Ընդհանուր ժողովի կողմից սահմանված ձևով և կարգով, իսկ դրա անհնարինության դեպքում փոխանցվում է պետական բյուջե:

* * *

